



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

IN SU MESI DE IDAS IN SA BIBLIOTECA DE IS MINORIAS DUUS LABORATÒRIUS DE ORIGAMI IN LÌNGUA SARDA

Su programa de s'Aministratzioni po favoriri s'imperu de sa lingua sarda sighit fintzas in su mesi de Idas, a s'oru de is festas de Paschixedda. Su progetu 'Su Sardu in Quartu' mirat a fai imperai a is citadinus su sardu dònna diri, in calisiat contestu.

E po ligi, scriri e fintzas po chistionai, siat in contestus de traballu ca in cuddus de spàssiu, serbit a dda connosci beni.

Cun custas punnas e cun s'agiudu de s'Assòtziu culturali Sa Bèrtula Antiga, funt stètius cuncordaus duus laboratòrius de origami in lingua sarda, dedicaus a pipius intra 13 annus de edadi. S'ant a tenni me in sa biblioteca de is linguas de minorias, in s'Ex Cunventu de is Paras de Santu Frantziscu, in bia Brigata Sassari.

Is laboratòrius funt po is giorronadas de mèrcuris 14 e 21 de su mesi de Idas e ant a essi de duas oras, da oras de is 16.00 a oras de is 18.00. Alliongiau fait a scarrigai su mollu po s'assentai ca, cumpriu beni, depit essi intregau a s'indiritzu ufitziulinguasarda2@gmail.com.